

14 январь – Ватан ҳимоячилари куни

ТИНЧЛИГИМИЗ ПОСБОНЛАРИ ЭЛ АРДОҒИДА

Инсонпарварлик тамойиллари устувор мамлакатимизда ҳар бир саъй-ҳаракат замирида эл-юрт тинчлиги, фаровонлиги, саломатлигини таъминлаш мақсади ётади. Мустақиллигимизнинг илк йиллариданоқ халқимизнинг эмин-эркин, тинч-тотув ҳаётини бегона кўзлардан, ғараз ниятли ёт унсурлардан, ҳимоялаш мақсадида Ўзбекистон Куролли Кучлари ташкил этилди. 24 йилдирки, Ватан ҳимоячилари хизмати туфайли халқимиз хотиржам яшамокда. Уларнинг фидойилиги эса давлатимизнинг доимий эътиборида. Ҳар йили 14 январь куни, Ватан ҳимоячилари, тинчлигимиз посбонлари давлат мукофотлари билан рағбатлантирилади.

“Соғлом она ва бола йили”нинг илк кунларида Зангиота туманида Миллий ҳавфсизлик хизмати чегара қўшинларида хизмат қилаётган бир гуруҳ ҳарбийлар ва уларнинг оила аъзолари учун барпо этилган турархона биносини эгаларига топшириш тадбири бўлиб ўтди.

Тадбирда вилоят ва туман ҳокимликлари ходимлари, МХХ чегара қўшинлари кўмондонлиги офицерлари, давлат ва жамоат ташкилотлари вакиллари, маҳалла фуқаролари йиғинлари фахрийлари, фаоллари қатнашди.

Барча қўлайликларга эга, ҳатто замонавий меъбел ва бошқа зарур уй жиҳозлари билан таъминланган хонадонлар кўрган кўзни қувонтиради.

(Давоми 2-бетда).



Эътироф

Яқинда Швейцарияда нашр этиладиган “Diva International Diplomat” журналининг навбатдаги сонига ана шундай сарлавҳа остидаги мақола босилиб чиқди. У журналистларнинг жаҳондаги энг таниқли маданият масканларидан бири – мамлакатимизда жойлашган И. Савицкий номи давлат санъат музейи билан яқиндан таништирган.

«САҲРО ГАНЖИНАСИ»

Мақолада алоҳида таъкидланганидек, мазкур музей меъморий ва фольклор, халқ амалий санъати ҳамда Марказий Осиёнинг замонавий санъати экспонатларининг жуда катта мажмуиға эга.

Британиянинг “The Guardian” газетаси уни дунёнинг энг нуфузли музейларидан бири, деб атади. Бугунги кунда бу ерда қарийб 90 минг асар қойилган. Улар орасида графика ишлари, картиналар ва ҳайкалтарошлик асарлари, минглаб тарихий топилмалар, тўқимачилик ва заргарлик буюмлари, кўнча Хоразм тамаддунидан тортиб, то бугунги ўзбек ва қорақалпоқ расомларининг ижодини акс эттирадиган асарларгача мажмуидир.

Мақолада Игор Савицкийнинг таржимаи ҳолига ҳамда унинг илгор мўйқалам усталари томонидан яратилган ижодий ишларини асраб қолишга қаратилган саъй-ҳаракатларига алоҳида эътибор қаратилган. “Соҳа мутахассисларининг қайд этишларича, бу коллек-

циядаги кашфиётлар воситасида санъат тарихини қайта ёзиш мумкин. Саҳро одамлари ва уларнинг маданиятидан илҳомланган И. Савицкий қорақалпоқ гиламларини, миллий кийимлар, қимматбаҳо заргарлик буюмлари ва бошқа санъат асарларини зўр иштиёқ билан йиғишни бошлаган. Айни пайтда у расомларнинг Марказий Осиё билан боғлиқ асарлари ҳамда илгор рус мўйқалам усталари билан ҳам қизиқа бошлаган”, деб ёзади журнал.

Журналнинг қайд этишича, И. Савицкий ёндоқшувидagi ўзига хос жиҳат шундаки, у нафақат энг сара асарларни, балки тажриба тарихида яратилган ижод намуналарини ҳам жаълаган. “Бунинг натижасида мазкур музей бугунги кунда расомларнинг индивидуал ривожланишини ҳамда ўша даврнинг илгор санъатини намойиш этмокда”, деб ёзади “Diva International Diplomat” журнали.

“Жаҳон” АА, Женева.

Фан олимпиадалари

БИЛИМИ ЗЎР МИНГНИ ЙИҚАДИ

Қишки таътил давом этаётган айни паллада мактаб ўқувчилари билимларини фан олимпиадаларида синамоқдалар. Вилотиимизнинг барча шаҳар ва туманларида олимпиаданинг худудий босқичлари старт олди. Икки кун давом этадиган синовларда кучлилар аниқланиб, кейинги босқичда қатнашиш учун йўлланмага эга бўладилар.

Жумладан, Зангиота туманидаги 56-, 58-мактабларда ўтказилган туман босқичида 75 та мактаб вакиллари иштирок этди. Унда 9-синфларнинг 981 ўқувчиси 17 та фан бўйича беллашди. Биринчи кунги баҳс ёзма тарзда ўтган бўлса, иккинчи кунги тест ва лаборатория машғулоти баҳарилди. Беллашувнинг адолатли ва ҳолислигини таъминлаш мақсадида 70 га яқин назоратчи кузатуви йўлга қўйилди. Бундан ташқари, ота-оналар, маҳалла фаоллари кузатуви сифатида қатнашди.

(Давоми 2-бетда).

ФИДОЙИЛАР НОМИ УНУТИЛМАЙДИ

Ватан ҳимоячилари куни арафасида бекободлик Иброҳимовлар хонадонига ташриф буюрган дўст-ёрлари, ҳарбий хизматчилар чехрасида шодлик ва қайғунинг қоришиқ ифодасини кўриб ажабланмади.



Ватан манзаралари

ОБОД ЮРТДА ҲАЁТ ФАРОВОН

Мустақиллигимизнинг 25-йилига қадам қўйди. Бунёдкор, яратувчан, шижоаткор халқимиз саъй-ҳаракати билан Юртбошимиз раҳнамолигида ўтган давр ичида асрларга татигулик ишлар бажарилди, десак асло муболага бўлмас. Нафақат йирик шаҳарларимиз, балки чекка-чекка қишлоқларимиз ҳам кун сайин ободонлашиб, гўзаллашиб бораётганига ҳамма гувоҳ.

Мухтарам Президентимизнинг “Совет даврида фақатгина эртанги кун, эртанги кун, дейлар эди. Ёруғ кунни нафақат болаларимиз кўриши керак, балки бугун яшаб турган яқинларимиз, ота-онамиз, ҳозирги авлод ҳам бундай ҳаётни кўрсин, турмушимиз кундан-кунга яхши бўлаётганини кўриб, хурсанд яшасин”, деган самимий гаплари қанчалик ҳақиқат бўлса, шунчалик кўнгилларга ҳам яқиндир.

Касбимиз тақозоси билан кўп жойларда бўла-миз, одамлар билан тез-тез учрашиб тура-миз. Тошкент, Андижон Фаргона, Бухоро Урганч, Қарши Самарқанд сингари тарихий шаҳарларимиздаги ўзгаришларни кўриб, фаровонлик ва бунёдкорликларга гувоҳ бўлиб, ҳар қандай инсон ҳам шукрона айтиши таин. Файз-барокат, тинчлик-хотиржамлик, аввало, кўнглига яхши нияту эзгулик ва меҳр-оқибат-

Зеро, бу оилада ҳаёт синовларини мардона енгиб келаётган, эл-юрт, Ватан қадрини чуқур ҳис этадиган жасур ўғлонларни воёга ётказган муътабар ота-она: Искандар ва Бухожар ҳамда тўнғич ўғиллари, кичик сержант Илҳом Иброҳимов оиланинг азиз фарзанди, ўзбек халқининг жасоратли ўғли Иномжон Иброҳимовнинг меҳр-оқибатга тўла ўткир нигоҳлари, ўқтам, норғул қадди-бастини эслаб кўмсаб яшайди-лар.

Яхшиямки, бошларида шундай Ватани, яқинлари, мудом хотирлаб турадиган ҳарбий дўстлари, меҳрибонлари бор.

Бу сафар ҳам уларни вилоят ҳокимлиги ходимлари, Миллий ҳавфсизлик хизмати чегара қўшинлари офицерлари, Бекободдаги ҳарбий қисм аскарлари йўқлаб келишди.

Ўз бурчини мардларча бажариб, Ватан чегарасини кўз қорачигидек асраган, оқибатда чегарабузарларга қарши отишмада айни йигит ёшида ҳалок бўлган “Жасорат” медали соҳиби Иномжон Иброҳимов ўз элининг садоқатли ўғли сифатида ҳамиша хотирамизда яшайди. Бекобод тумани Иномжон Иброҳимов кўчасидаги бу хонадон доимий эътиборда, оила эса Ватан ардоғида.

– Укам мен каби ҳарбий бўлишни орзу қилган эди, – дейди “Шуҳрат” медали соҳиби, кичик сержант Илҳом Иброҳимов. – Унинг ёрқин хотираси олдида ҳамиша жавобгарлик масъулияти мени ўз Ватанимга янада садоқат билан хизмат қилишга қорлайверади...

Сайёра ЭШМАТОВА,
Қобилжон ҒОФУРОВ
олган сурат.

Сарҳисоб

ЙИЛДАН-ЙИЛГА ИШОНЧ ОРТМОҚДА

Ўзбекистонда инсон ҳуқуқларини ҳимоя қилиш миллий институтлари тизими мукаммал шакллантирилган бўлиб, улар орасида республика Олий Мажлисининг Инсон ҳуқуқлари бўйича вакили (омбудсман)нинг алоҳида ўрни бор. Ўзбекистонда Омбудсман институтини ташкил этилганига 20 йил бўлди. Унинг Тошкент вилояти худудий вакили (омбудсман) Лазиза Фафурова ўтган даврда амалга оширилган ишлар ҳақида “Тошкент ҳақиқати” муҳбирига қуйидагиларни сўзлаб берди.

– Аввало шунинг алоҳида таъкидлашни истардимки, Ўзбекистоннинг мустақилликка эришгани инсон ҳуқуқлари тамойилларига таянган, қонун устуворлиги ва ижтимоий адолат таъминланган демократик ҳуқуқий давлат ва эркин фуқаролик жамиятини барпо этиш

учун кенг йўл очиб берди ва бунинг учун барча зарур имкониятларни яратди. Мамлакатимизнинг шу тараққиёт йўлидан оғинай ва дадил боришида янги Конституция ва “Ўзбек модели” мустаҳкам пойдевор ва-зифасини ўтади.

(Давоми 2-бетда).

ИСТЕЪМОЛЧИ МАНФААТЛАРИ ҚОНУН МУҲОФААЗАСИДА

Ҳар бир фуқаро кундалик турмушида махсулот харида қилганида истеъмолчи ҳуқуқларидан фойдаланади. Истеъмолчи ҳуқуқларининг устуворлиги эса Асосий қонунимиз – Конституцияда белгилаб қўйилган.

Ҳозирги кунда истеъмолчилар ҳуқуқларини ҳимоялаш, уларнинг ҳуқуқ ва манфаатларини ҳурмат қилишга қаратилган қатор қонунлар тизими мавжуд. Уларнинг энг асосийларидан бири 1996 йил 26 апрелда қабул қилинган “Истеъмолчиларнинг ҳуқуқларини ҳимоя қилиш тўғрисида”ги Қонундир. У бир қатор заруратлар асосида қабул қилинган.

Биринчидан, жамиятда қонун устуворлигига эришиш учун давлат ёхуд ҳуқуқни муҳофаза қилувчи органлар фаолияти етарли эмас. Фуқаролар ўзларининг конституций ҳуқуқ ва эркинликларини, фуқаролик бурчларини билишлари, ҳақ-ҳуқуқларини талаб қилиш қўниқмаларига эга бўлишлари зарур. Бошқача қилиб айтганда, Конституция ва қонунларга

амал қилиб яшашни кундалик ҳаёт тарзига айлантиришлари лозим.

Иккинчидан, бозор иқтисодиётига ўтиш даврида давлат тасарруфида бўлмаган корхоналар “бозорларимиз арзон бўлса бас” қабилида иш тутта бошлашди. Кўп ҳолларда дўконларда сотиладиган товарлар қалбақлаштирилди.

Учинчидан, юксак технология асосида юқори сифатли халқ истеъмол товарлари ишлаб чиқариш, халқаро алоқаларни ривожлантириш ва меъёрий ҳужжатларнинг жаҳон андозаларига мос келишини таъминлаш талаб этиларди. Айнан шу тамойиллар истеъмолчилар ҳуқуқларини ҳимоя қилиш билан боғлиқ қонунларни ишлаб чиқишга туртки бўлди.

(Давоми 2-бетда).



Нурли АБДУРАСУЛОВ.

Фан олимпиадалари

БИЛИМИ ЗЎР МИНГНИ ЙИҚАДИ

— Фан олимпиадаларининг нуфузи ўқувчилар, ўқитувчилар, ота-оналар ва кенг жамоатчилик орасида йилдан-йилга ортиб бормоқда, — дейди туман ХТМФМТ ва ТЭБ мудири Авазхўжа Мухиддинов. — Бунини беллашувда иштирок этиш истагини билдирган ўқувчилар кўпайиб бораётганида кўриш мумкин. Хар сафар туманимиздаги 59-, 56- ва 45-мактаб

(Давоми. Боши 1-бетда).

ўқувчилари олимпиадаларда фаол қатнашиб, юқори ўринларни қўлга киритадилар. Бу йил уларнинг сафи янада кенгайишига ишонамиз. — Бу йилги фан олимпиадасига ўқувчиларимизни пухта тайёрладик, — дейди 15-умумий ўрта таълим мактаби инглиз тили ўқитувчиси Ҳафиза Низомова. — Хусусан, чет тиллари фанларидан топширилаётган ёзма ва тест сновларидан таш-

қари, оғзаки имтиҳонлар ҳам ўтказилаётгани ўқувчиларнинг нутқ маданиятини ўстириш ва фикрлаш доирасини кенгайтиришга ёрдам бермоқда. Ўқувчиларнинг билимлари ҳакамлар ҳайъатининг 135 нафар аъзоси томонидан баҳоланади ва яқин кунлар ичида натижалар эълон қилинади.

Нозима РАСУЛОВА,
Даврон АХМАД
олган сурат.



14 январь —

Ватан ҳимоячилари куни

ТИНЧЛИГИМИЗ ПОСБОНЛАРИ ЭЛ АРДОҒИДА

Тўғри-да, Ватанни ҳимоялашдек шарафли касбни танлаб, бурчини виждондан адо этаётганлар меҳнати хар қанча таҳсин, олқиш рағбатга муносиб.

— Бу уйлари қуришда корхонамиз аъзолари астойдил меҳнат қилишди, — дейди "Адолат қурилиш сервис" хусусий корхонаси раҳбари Илҳом Султонов. — Қурилиш материалларини диққат билан текшириб, сифатига ишонч ҳосил қилгач, иш бошладик. Ўзимизда ишлаб чиқарилаётган қурилиш ашёлари чидамли, мустаҳкамлиги қурган уйлари-мизга кўрк бериб турибди.

— Мен болалигимдан ҳарбий бўлишни орзу қилганман, — дейди оддий аскар Муносибжон Охундов. — Бугун эса, озод юртнинг мард, жасур ўғлини бўлиб Ватанимизни таъминлашга ҳолатимизга кўра қўлларимдан бешим осмонда. Ҳамкасбларим билан

қўшни бўлиб яшаш қандай мароқли. Ўғлим Бобуржон қўшним, кичик сержант Мадамин Умурзоқовнинг қизалоғи Моҳинур билан тенгдош, бирга боғчага, кейин мактабга боришади. Келажакда Бобуржон ҳам мен каби Ватан хизматига шай турган ҳарбий бўлишини орзу қиламан...

— Янги йилни янги уйда қутиб олдик, — дейди оддий аскар Бобуржон Курбанов. — Айниқса, умр йўлдошим Дилнавознинг қувончи чексиз. "Соғлом она ва бола йили"нинг ҳосиятини унинг илк кунлариданоқ ҳис қилаётганман" дея қувонди у. Ахир, Она Ватан ардоғи, эътибори энг юксак мукофот эмасми?

Ҳақиқатан ҳам, ҳарбийларнинг шодлиги, оиласидан қўнгли тўқ, фаровон ҳаёти халқимизнинг тинчлиги учун муҳим аҳамиятга эга эканини таъкидлашга ҳолатимизга кўра қўлларимдан бешим осмонда. Ҳамкасбларим билан

Сайёра РИХСИЕВА,

"Тошкент ҳақиқати"

муҳбири.

(Давоми. Боши 1-бетда).

КЎТАРИНКИ КАЙФИЯТ БАҒИШЛАБ

Бўстонлик туманида вилоят ҳокимлиги ва ҳарбий қисм бошқармаси ҳамкорлигида ҳарбий қисмларда хизмат ўтаётган ҳарбий хизматчилар ва уларнинг оилалари учун байрам тадбири уюштирилди.

Унда 150 дан ортиқ ҳарбий хизматчилар ва уларнинг 168 нафар фарзандлари иштирок этишди. Болажонларга байрам совғалари улашилди. Таниқли санъаткорларнинг чиқишлари байрам иштирокчиларига беқиёс завқ-шавқ, шод-хуррамлик бахш этди.

Сайёра РИХСИЕВА,

"Тошкент ҳақиқати"

муҳбири.

Пенсия таъминоти

ФАОЛ ИШТИРОК ЭТМОҚДАЛАР

Ўзбекистон Республикасининг "Фуқароларнинг жамғарилиб бориладиган пенсия таъминоти тўғрисида"ги Қонуни кесаларнинг роҳат-фарогатда яшашларига хизмат қилади. Шунингдек, республика Президентининг 2005 йил 28 июндаги "Жамғарилиб бориладиган пенсия тизимини такомиллаштириш ва техника билан жиҳозлаш борасидаги қўшимча чора-тадбирлар тўғрисида"ги Қарори ҳам айнан шу мақсадга қаратилган.

Вилоят Давлат солиқ бошқармаси ушбу йўналишдаги қонунчилик ижросини таъминлаш мақсадида ҳокимликлар ва Халқ банки бўлиmlари билан ҳамкорликда тузилган режалар асосида иш юритмоқда. Иш бевувчилар ва солиқ тўловчилар иштирокида семинар-йўналишлар ўтказилиб, мавзуга доир тушуниришлар бериб борилаёпти. Асосий эътибор хар бир ҳодимнинг жамғарилиб бориладиган пенсия тизими афзалликлари билан баҳраманд бўлиши ҳамда бу маблағлар тўлиқ ҳисобланиб, банкдаги ҳисоб рақамига келиб тушишини таъминлашга қаратилган. Ушбу тизимда 2015 йилнинг 1 декабрь

ҳолатига вилоят бўйича 21 мингдан ортиқ иш бевувчи юридик шахслар ишловчи ҳодимларга 30,5 млрд. сўм ҳисобланган жамғариб бориладиган пенсия бадаллари суммасини Халқ банклари филиалларига ўтказди. Бу кўрсаткич йиллар давомида мунтазам ўсиб бормоқда. Хусусан, тушган бадал суммаси 2015 йил 1 декабрь ҳолатига, 2014 йилнинг мос даврига нисбатан 1,2 баробар ошган. Бу фуқароларнинг жамғарилиб бориладиган пенсия тизимидаги иштироки тобора кенгайиб бораётганидан далолат беради.

Лобар АЗАМАНОВА,
ахборот хизмати
бош мутахассиси.

Ишлаб чиқариш

Кичик бизнеснинг улкан имкониятлар манбаи эканлигини яхши билган Пискент туманидаги ишлаб чиқариш қўламини кенгайтириб, маҳсулот

турини кўпайтираётган "Azalea Garment" Ўзбекистон — Россия қўшма корхонасида бугун 300 га яқин ишчи-хизматчилар меҳнат қилмоқда.

ҚЎШИМЧА ИШ ЎРИНЛАРИ ЯРАТИШ НИЯТИДА



— Асосий мақсадимиз маҳсулот сифатини яхшилаб, харидорлар талабини қондириш, — дейди корхона раҳбари Зокир Холматов. — Чунки, бозорларимизда сифатли маҳсулотлар талайгина. Шу боис, сифат ва нарх уйғунлиги

ни таъминлаб, рақобатда ютишга интилаёмиз. Мамлакатимизда қўлай тадбиркорлик муҳити яратилиб, бор имкониятлар ишга солинмоқда. Бунда, айниқса, қўшма корхоналарнинг ўрни беқиёс. Чет элдан олиб келинган замона-

вий тикув машиналарида пискентлик ёшлар бемалол тикиш-бичиш ишларини талаб даражасида бажаришмоқда. Эътиборлиси, уларнинг аксарияти коллежни битирган ёшлардир. — Пискент ижтимоий-иқтисодиёт коллежини би-

тириб, шу корхонага ишга жойлашдим, — дейди Махлиё Сатторова. — Ўзим ёқтирган иш билан машғул эканимдан хурсандман. Айниқса, ҳамкасбларимнинг аксарияти тенгқурларим экани мени янада қувонтирди.

Япониядан келтирилган 180 тикув машинасида қўнға 10 минг, ойига 300 мингга яқин трикотаж маҳсулотлари тайёрлаётган ва Россияга экспорт қилаёмиш.

Келгусида корхона ишлаб чиқариш ҳажми ва маҳсулот турини янада кўпайтириб, бошқа давлатларга экспортни йўлга қўйиш ниятида. Тадбиркорнинг бу эзу мақсади маҳсулот арзонлашиб, янги иш ўринлари яратилиши билан аҳамиятлидир.

Муқаддас ИСРОИЛОВА,
"Тошкент ҳақиқати"
муҳбири.

Муаллиф олган сурат.

Томорқа — туганмас хазина

ДЕҲҚОН ТУРМУШИНING ТЎКИНЛИГИ ЎЗИГА БОҒЛИҚ

Одатда деҳқончилик мавсуми дейилганда, эрта баҳордан кеч кузгача бўлган давр тушунилади. Аммо, асл ишбилармон деҳқон учун мавсум йил бўйи давом этади. Қибрай тумани "Селекция" маҳалласилик Зокир Жўраев шундайлардан.

— Кўчат етиштириш ҳам мисоли гўдакни парвариш қилишдек гап, — дейди З. Жўраев. — Сабр билан парваришламасан

гиз оддий гиёҳ ҳам унмайди. Маҳаллий ўғит ва турли кимёвий моддалар билан бойитилган тупроқни махсус целлофан



халтачаларга жойлаб, хар бир уруғга меҳри-мизни қўшиб экимиз, десам муболага бўлмайди.

Оиланинг саккиз аъзоси меҳнат қилаётган 19 сотихли иссиқхонада Голландия, Франция, Исроил, Испания каби давлатлардан келтирилган Финда, Анит, Пинк, Цинто каби қарийб 20 хил нав помидор кўчатлари парваришланмоқда.

— Бундан ўн йил илгари кўчат топиш анча мушкул эди, — дейди Султонмурод Иброҳимов. — Маҳалламизда Зокир Жўраев сингари кўчат етиштирувчилар кўпайгани боис, энди туман ошиб, кўчат қидирмаймиз. Қўшимчиси парваришланган кўчатлардан олиб экиб, мўл ҳосил етиштиряёмиш.

Дарҳақиқат, асли касби агроном бўлган С. Иброҳимов қарийб

ўттиз йилдирки, иссиқхонада помидор, бодиринг ва бошқа сабзавот маҳсулотлари етиштиришнинг ҳадисини олган. Хар туп кўчатдан ўртача 5 килограммгача, 40 сотихга экилган 9200 туп помидордан камида 40 тоннагача ҳосил олмақда. Ҳосил айни киш ойлари пишиб етилишини ҳисобга олсак, яхшигина даромад келиши аниқ.

Бир сўз билан айтганда, бугунги давр уйдабуронлиқни талаб қилмоқда. Орамизда томорқасидан унумли фойдаланиб, орзу-ҳаваси рўйбени кўраётганлар ҳам, аксинча, йил бўйи фақат жўҳори экиш билан қифояланаётганлар ҳам бор. Бироқ, имкониятлардан тўла фойдаланиб, муносиб турмуш шароити яратиш ўзимизга боғлиқ.

Бектош ИСМОИЛОВ,
Мансур НАХАЛОВ
олган сурат.

Сарҳисоб

ЙИЛДАН-ЙИЛГА ИШОНЧ ОРТМОҚДА

Мустақилликнинг илк кунлариданоқ Ўзбекистон қўшилган халқаро ҳуқуқий ҳужжат Бирлашган Миллатлар Ташкилотининг Инсон ҳуқуқлари умумжаҳон декларацияси бўлди. Унинг қондалари ва шу соҳага оид 70 дан зиёд халқаро ҳужжатлар мамлакат Конституцияси ва миллий қонунчиликка татбиқ этилиб, самарали амалга оширилмоқда. Фуқароларнинг шахсий, жамоавий, сиёсий, ижтимоий, иқтисодий, маданий ва гуманитар ҳуқуқ ва эркинликларини таъминлашга давлат ҳокимияти ва бошқаруви органлари, сиёсий партиялар, нодавлат ноtijjорат ташкилотлари ҳамда фуқароларнинг ўзини ўзи бошқариш органлари қўмаклашади.

Энди Олий Мажлисининг Инсон ҳуқуқлари бўйича вакили (омбудсман) масаласига келсак, ушбу институт Мустақил Давлатлар Ҳамдўстлиги мамлакатлари орасида биринчи бўлиб 1995 йилда Ўзбекистонда ташкил этилди. Омбудсманнинг фаолияти республика Конституцияси, "Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) тўғрисида"ги Қонун ва қатор бошқа меъёрий-ҳуқуқий ҳужжатлар билан тартибга солинган. Омбудсман фаолиятига доир Қонун 1997 йилда илк бор ва 2004 йилда янги таҳрирда қабул қилинган.

Қонунда Омбудсманга давлат органлари, корхона, ташкилот, муассаса ва мансабдор шахсларнинг инсон ҳуқуқлари ва эркинликларига оид қонун ҳужжатлари талабларига риоя этишлари устидан парламент назоратини таъминлаш ваколати берилган. Вақил инсон ҳуқуқларига оид қонун ҳужжатларини таҳлил қилиш ва ҳал-қаро ҳуқуқ меъёрларига мувофиқлаштириш, халқаро ҳамкорлиқни ривожлантиришга хизмат қилади.

Шуниси диққатга сазоворки, фуқароларнинг Омбудсманга ишончи йилдан-йилга ошиб бормоқда. Чунанчи, ушбу институт илк ташкил этилган 1995 йилда 262 та мурожаат тушган бўлса, 2014 йилга келиб, 11 минг 848 тага етди. Бу ҳолат эса Омбудсман фаолиятини янада кенгайтириш, унинг республика Хотин-қизлар қўмитаси, Савдо-саноат палатаси, Касаба уюшмалари фе-

дерацияси, Ўзбекистон нодавлат ноtijjорат ташкилотлари Миллий ассоциацияси, Адвокатлар палатаси, "Маҳалла", "Нуроний" ва "Соғлом авлод учун" жамғармалари, "Қамолот" ёшлар ижтимоий ҳаракати каби бошқа фуқаролик институтлари билан ҳамкорлигини имкон қадар кенгайтиришга тақозо этади.

Дарвоқе, яқинда Тошкентда Олий Мажлисининг Инсон ҳуқуқлари бўйича вакили (омбудсман) ва Инсон ҳуқуқлари бўйича Ўзбекистон Миллий маркази Европа хавфсизлик ва ҳамкорлик ташкилотининг Ўзбекистондаги лойиҳалар координатори ҳамкорлигида "Фуқароларнинг Конституциявий ҳуқуқ ва эркинликларини таъминлашда давлат органлари ва фуқаролик жамияти институтларининг ўзаро ҳамкорлиги" мавзусида ўтказилган илмий-амалий конференцияда Омбудсман институти ва Инсон ҳуқуқлари бўйича миллий марказнинг қонун устуворлигини таъминлаш, шунингдек, фуқароларнинг ҳуқуқ ва эркинликларини ҳимоя қилиш тизимидаги ролини янада мустаҳкамлаш ҳусусида қатор аниқ тақлиф ва тавсиялар берилди.

Жумладан, Омбудсман фаолиятини тартибга солишчи қонунчилик ҳужжатларини такомиллаштириш, ижтимоий-иқтисодий дастурлар ижросини мониторинг қилишда Омбудсманнинг Олий Мажлис палаталари ва Халқ депутатлари маҳаллий Кенгашлари билан ҳамкорликда парламент назоратини амалга ошириш шакли ва услубларини янада мукамаллаштириш, ҳуқуқни муҳофаза қилиш органлари ходимларининг юридик ва жисмоний шахслар, хусусий мулкдор ва инвесторларнинг ҳуқуқ ва эркинликларини бузишларини бартараф этиш юзасидан Омбудсманнинг идораларо фаолиятини ривожлантириш тақлифлари ишлаб чиқилди.

Бундан ташқари, аҳолини янги қабул қилинаётган қонун ва меъёрий-ҳуқуқий ҳужжатларнинг мазмун-моҳияти билан янада кенг ва чуқур таништириб бориш, ҳуқуқий маданият даражасини баҳолаш мезонларини ишлаб чиқиш ва 2016 йилдан бошлаб, Омбудсман ва Инсон ҳуқуқлари бўйича миллий марказ амалиётига татбиқ этиш лозим бўлади.

Сухбатни Абдусамд Йўлдошев ёзиб олди.

(Давоми. Боши 1-бетда).

ИСТЕЪМОЛЧИ МАНФААТЛАРИ ҚОНУН МУҲОФАЗАСИДА

божи тўлашдан озод қилиниши каби масалалар қамраб олинган.

"Истеъмолчиларнинг ҳуқуқларини ҳимоя қилиш тўғрисида"ги Қонун 30 та моддадан иборат бўлиб, унда истеъмолчиларнинг ҳуқуқ ва манфаатларини ҳимоя қилиш, унга амал қилмаганлик натижасида келиб чиқадиغان оқибатлар бундай ҳолатларда қўриладиган ҳуқуқий таъсир чоралари ўз аксини топган. Ушбу Қонуннинг ижросини таъминлашда бугунги кунда 20 дан ортиқ

зорида сифати паст, одамлар ҳаёти ва соғлиғига хавф туғдирувчи товарлар сотилишига йўл қўймаслик устидан жамоатчилик назоратини кучайтириш, аҳолининг ҳуқуқий ва истеъмол маданиятини оширишга доир ишларни фаоллаштириш белгиланган. Ўзбекистон истеъмолчилар ҳуқуқларини ҳимоя қилиш жамиятлари Федерацияси ушбу қарор ижросини таъминлаш йўлида фаолият юритмоқда.

Истеъмолчилар манфаатлари ва ҳуқуқларини ҳимоя

қилиш бозор муносабатларининг асоси бўлган рақобатни ривожлантириш ва монополияга қарши қонунчиликни такомиллаштириш тақозо этади. Ишлаб чиқариш инфратузилмаси ва ижтимоий соҳаларни ривожлантириш, кичик бизнес

чиқарувчи корхоналар билан савдо ташкилотлари ўртасидаги ҳамкорлик тизимини такомиллаштириш ҳам муҳим аҳамиятга эга. Бу борада солиқ, бож, моддий молиявий ресурслар билан таъминлашда имтиёзлар тизимини яратишга ҳам долзарб масала сифатида қараш лозим. Нодавлат ноtijjорат ташкилотларининг истеъмолчилар ҳуқуқларини ҳимоя қилишдаги роли ортиб бораётганини эътироф этган ҳолда улар фаолиятини янада жонлантириш зарур. Зеро, "Кучли давлатдан — кучли фуқаролик жамияти сари" концепциясининг негизини ҳам жамоатчилик назоратини қучайтириш госяи мужассам.

Юқоридаги чора-тадбирлар аҳолининг истеъмол маданияти янада ошишига, ҳуқуқ ва манфаатларини ҳимоя қилиш сифат жиҳатидан юксак поғонага кўтарилишига, пировард натижада аҳоли турмуш фаровонлиги бунданда ошишга, оилаларнинг моддий жиҳатдан бақувват ва мустаҳкам бўлишларига хизмат қилади.

Акмал УМАРАЛИЕВ,
Олий Мажлис Қонунчилик палатаси депутати.

Маданият

«ТҮРҒАЙ» КОРЕЯЛИКЛАРНИ РОМ ЭТДИ

Куй-қўшиқ, мусиқа миллат, маскан танламаслиги, чегара билмаслиги билан кўнгилларни бирлаштиради. Жумладан, фольклор — халқ оғзаки ижоди, халқимизнинг турмуш тарзи, дунёқарши, рухий-эстетик олами, ички кечинмалари юксак бадий даражада ифода этилган азалий қадриятдир. Мустақиллик йилларида халқимиз маънавий меросини ўрганиш, фольклор асарларини тўплаш ва кенг тарғиб этишга катта эътибор қаратилди.

Оқўрғондаги "Тўрғай" фольклор этнографик жамоасининг турли ёшдаги 30 га яқин аъзоси бор. Улар миллий урф-одатларимиз акс этган "Бўта солай удуми", "Йил боши", "Тўш қайтарар", "Қиз қувди", "Бойчағам", "Би-нафша", "Бўзтўрғай", "Кичкина бола қандай бола", "Йигит-қизлар айтишуви", "Ёлғиз айтган қўшиғим" каби лалар, ўлан ва маросим қўшиқларини қўйлаб, эл эътиборига тушди. Шунингдек, "Тўрғай" виллоят ва туманда ўтказиладиган Мустақиллик, Наврўз умумхалқ байрамларида доим фаол иштирок этади.

Азал-азалдан маданияти, қадрият унаёналари билан ўрнатилган халқимизнинг бой маънавий меросини ёшларга кўрсатиш бизнинг бурчимиз, — дейди "Тўрғай" ансамбли бадий раҳбарли Алишер Қурбанов. — Шунинг учун таълим муассас-



салари ва маҳаллаларда учрашувлар ўтказамиз. Коларверса, "Кувонч", "Ёдгор", "Наврўзи ажа" ансамбллари билан биргаликда аҳоли учун байрам тадбирлари уюштирамиз.

Ансамбль ўзбек халқини дунёга танитишга ҳам ҳисса қўшаётир. Улар Кореяда ўтказилган "Кёнжоу Буюк Ипак йўли — 2015" маданият ва санъат халқаро фестивалида иштирок этдилар.

Фестиваль таассуротлари ҳақида кўп ва ҳўп гапириш мумкин, — дейди жамоа аъзоси Ҳасан Убайдуллаев. — Бироқ, жамоамиз чиқишидан сўнг, корейликлару ташриф буюрган бошқа меҳмонлар ижроимизни қайта-қайта намойиш этиришти. Уларга қўшиқларимиз шу қадар

ёққандики, бизни тинглаб ҳузурланишарди. Либосларимиз жилоси уларни ром этганди. 21 давлат орасида юксак ижро маҳорати билан ажралиб турган жамоамиз "Энг жозибали ва ёрқин намойиш учун" номинацияси билан тақдирланиб, диплом ва эсдалик совғалари топширилди.

Вилоят ва туманимиз ҳокимлиги, маданият ва спорт ишлари бошқармаси бизни ҳаммаша қўллаб-қувватлайди, — дейди Алишер Қурбанов. — Юртимиздаги қўлай шарт-шароит ва кенг имкониятлар бизни ижод қилишга ундамоқда.

Ирода НОРОБОВА,
"Тошкент ҳақиқати" мухбири.
Даврон АХМАД олган сурат.

Маънавий-маърифий тадбир

Чиноз шаҳарчаси 2-умумтаълим мактабида ўтказилган китобхоналар ва ижодкорлар учрашуви "Китоб оламига йўл" деб номланди. Учрашувга маҳаллий шоирлар таклиф этилди.

КИТОБ ОЛАМИГА ЙЎЛ

— Ободлик кўнгилдан бошланади, — деди мактаб директори Фариди Иброҳимов. — Демак, биз, аввало, кўнглимизни обод қилайлик. Президентимиз Ислам Каримовнинг "Юксак маънавият — энгилмас куч" асарини ўқир эканмиз, ундаги "Авесто" китоби, "Алломиш" достони ҳақида билдирилган фикрлар кечис хаяжонга солади.

Шундан сўнг, ўқувчилар "Қамолот" кутубхонаси китоблари-

дан ёд олган Зулфия, Мухаммад Юсуф, Турсунбой Адашбоев шеърларини ўқиди. Тадбирда ўқувчилар иштирокида "Билим хазинаси" сахна кўриниши намойиш қилинди.

Ҳўққушнос Бокижон Аҳмаджонов ҳаёти ва иш фаолиятида китобларнинг ўрни беқийс бўлганини таъкидлаб, бир ойда 5 та бадий китоб ўқиган ўқувчига ўз

хисобидан мукофот таъсис этди. Байрамда мактабда ўтказилган "Қандай китоб ўқигансиз?" сўровномаси якуни эълон қилинди. Унга кўра Жасур Баҳодиров, Мирсиддиқ Мирзокиров, Аббосжон Тўхтасинов "Мақтов ёрлиғи" ҳамда чинозлик шоира Каримахон Йўлдошеванинг китоби билан тақдирландилар.

Абдулжалол РАҲИМОВ.

Кўргазма

ТАБИАТ ВА РАССОМ

Ўзбекистон Бадий академиясининг Марказий кўргазмалар залида янги йил арафасида анъанага мувофиқ очилган навбатдаги "Табиат ва рассом" кўргазмасида юртимиз гўзал ҳудудларининг асл кўриниши акс этган, чет эл сафаридида ижод қиладиган ўзбек плерерчи рассомлари, шунингдек, ҳайкалтарошларнинг 200 ортиқ асарлари намойиш этилмоқда.

Тасвирий санъатнинг турли жанр ва йўналишларида яратилган ижод намуналарида табиат инъомлари, рангбаранг гуллар, табиат қўйнидаги тураржойлар ўз аксини топган. Кўпгина асарларда баъзи рассомлар табиатни асл ҳолида акс эттирган бўлса, бошқалар ижодида табиат декоратив халқатерга эга композицияларга айлан-тирилган.

Тошкент виллоятининг гўзал табиат манзаралари кўлаб рассомларимизнинг ижодидан ўрин олган. Улар орасида 2014, 2015 йилларда тасвир-

га туширилган "Бурчмулла тоғлари", "Хумсонда куз", "Хумсон қўчалари", "Хумсон тоғлари", "Кўёшли Хумсон", "Чорвоқда тоғ", "Чорвоқда куз", "Сўқоқ", "Сўқоқ. Олтин куз", "Сўқоқ манзараси", "Чирчиқ дарёсида оқшом", "Тунги Чирчиқ", "Оқтош", "Оқтошга йўл", "Чотқол тоғлари сўқмоқлари бўйлаб", "Қўрайда куз", "Ҳўжикент" каби асарлар томошабинларни бефарқ қолдирмайди.

Кўргазма намойиши 20 январга қадар давом этади.

Ҳасан АБДУНАЗАРОВ.

Болалар спорти

Тўғарақлар янада кўпаяди



Олмалик шаҳридаги 1-болалар ва ўсмирлар спорт мактабидида 800 га яқин ёшлар миллий кураш, футбол, бокс, самбо, шахмат-шашка каби спорт турлари билан 22 тахрибали мураббий раҳбарлигида мунтазам шугулланмоқда.

— Сўнгги йилларда спортга меҳр қўйган ёшлар сафи кенгаймоқда, — дейди муассаса директори Умида Назарова. — Ота-оналарнинг ўзлари фарзандларини спорт тўғарақларига етаклаб келишмоқда.

Мактабда бошқа спорт турлари сингари боксга қизиқувчи ёшлар кўп. Шўҳжаҳон Саидов, Ислам Абдуллаев каби спортчилар мамлакат биринчиликларида совринли ўринларни эгаллашмоқда.

— Жисмоний тарбия ва спорт билан шугуллани-

шимиз, иқтидор ва салоҳиятимизни юзага чиқаришимиз учун яратилган имкониятлардан фойдаланамиз, — дейди Ислам Абдуллаев. — Келажакда етук спортчи бўлиб, нуфузли халқаро турнирларда юртимиз шарафини муносиб ҳимоя қилиш ниятидаман.

Келгусида мактаб қошида бадий гимнастика, сузиш, волейбол, баскетбол каби спорт тўғарақларини йўлга қўйиш режалаштирилган.

Маҳлиё ИСРОИЛОВА,
Мансур НАХАЛОВ
олган сурат.

ОЛИМПИАЧЛАРИМИЗ ГАЛАБАСИ

Йигирма уч ёшгача бўлган футболчилар ўртасида Осиё чемпионатида тайёргарлик қўраётган Ўзбекистон олимпия терма жамоаси Бирлашган Араб Амирликларининг Дубай шаҳрида ташкил этилган навбатдаги ўқув-машғулот йигини доирасида иорданиялик футболчиларга қарши ўртоқлик учрашувини ўтказди.

Унда Самвел Бабаев шогирдлари 2:1 ҳисобида галаба қозонди. Уйиннинг биринчи бўлимида ҳисоб очилмади. 64-дақиқада Игорь Сергеев рақиб дарвозасини аниқ нишонга олган бўлса, орадан тўрт дақиқа ўтиб Махмуд Ал Мардий ҳисобни тенглаштирди. 78-дақиқада яна Игорнинг ўзи иорданиялик дарвозасини ишғол қилиб, терма жамоамиз галабасини таъминлади.

Ўзбекистон футбол федерациясидан маълум қилишларича, маъзур уйин Ўзбекистон олимпия терма жамоасининг Каттарда бўлиб ўтадиган 23 ёшгача футболчилар ўртасидаги Осиё чемпионати олдидан сўнгги

назорат учрашувидир. Футболчиларимиз 9 январь кунни Қатар пойтахти Доха шаҳрига йўл олишди. Осиё чемпионати бахслари 12-30 январь кунлари бўлиб ўтади. Чемпионатда совринли ўринларни кўлга киритган учта терма жамоага XXXI ёзги Олимпия уйинларига йўлланма берилади. Терма жамоамиз китъа чемпионатида "С" гуруҳида Ироқ, Жанубий Корея ва Яман олимпия терма жамоалари билан куч синашади. Футболчиларимиз дастлабки учрашувни 13 январь кунни Жанубий Корея терма жамоасига қарши ўтказди.

Байрам АЙТМУРОДОВ,
ЎЗА мухбири.

Кўзгудаги ўзимиз

Соҳиба аянинг қувончи чекис — энг яхши кўрган неварасини уйлантирди. Сўхурдеккина келин хизматидан оғзи қулоғида. Бутун маҳалланинг тилида ҳам шу неваре келин: "Вой, шунақаям гўзал, шунақаям одоблики, қаққонлигини айтмайсизми..."

"Ўзанинг боғидаги мева ширин туюлармиш" дейишлари ҳам бор гап аслида. Аммо, вақт дегани югурки. Ҳаш-паш дегунча, бир-икки ой ўтиб кетди. Бу уйдан эса, ҳеч одам узилмасди. Лекин, шундай файзли хонадон уч ой ўтмай, ҳувиллаб қолди. Келин кўч-кўронини кўтариб кетди. Нима эмиш, меҳмон кўп келармиш...

Ўзи Соҳиба ая ҳам бир ойдаёқ неваре келинининг сохта муомалаларини пайқаб улгурган, лекин дарди ичида. Ахир, келини ўзи топган эди-да. Айниқса, 3-4 та маҳалладаги хотинлар келин кўрдига келишини эшитган келинопошша бирдан бўзайиб, қайнона бовисига: "Намунча, бир ой ўтиб кетди-ю, ҳалиям келин кўришадими?" деганида ичида бир нима чирт узилган эди Соҳиба аянинг: "Эҳ, эсизгина, суратига қарабману сийратини ўйлабман".

— Хафа бўлманг, келин, ўзим қарашиб юбораман... Осонроқ овқат қилармиз... — Овқат қилиш шартми, чой-пой ичиб кетишавермайдим, қариндош эмас, шунчаки, қўшиларку... — Ахир, ўзимизга ҳам қилардингиз-у, шу овқатни,

бир қафт ортиқроқ гуруч ташланг-қўйинг. Шу пайт кўча эшикдан "Соҳиба, уйдимисан", деган овоз эшитилди. — Вой, ўртоқжон, келавер, уйдимиз, — деди у қувноб. — Ана, мана деб, кели-

хилолат бўлгандек. Келин индамай чойнакни қўйди-ю, ортига қайтди. Соҳиба мулзам бўлиб, чойни ўзи қўя бошлади. — Овқатни бошлаб қўювди, тағига олмасин деб... — Ҳа, майли, хилолат

Ё МЕНИ ДЕНГ, Ё...



нингни йўқлай олмадик. Шунга... Шу пайт қўлида чойнак билан келин қўйинди. — Ассалоому алайкум, келинлар... Унинг қуруққина муомаласидан қўшилар нима-нидир пайқагандек, бир-бирига қараб қўйишди. — Кўп ўтирмаймиз, Ақидани борадиган жойи бор экан, — деди Салима

бўлма. Ҳозирги ёшларга бир нарсга деб бўладими? — Йўқ, ундай дема. Ростдан ҳам ошни дамламоқ-чиди... Хўллас, гап-гапга қовушмади. Аёлларнинг кайфияти тушганини сезган мезбон, келинини оқламоқчи бўлди: — Ҳеч тинмайди, бояқши, қўя қолинг десам ҳам: "Ўртоқларингизга ош

қилиб бераман" дейди, барака топгур...

Хўллас, бир соатлардан кейин, ошхона эшиги очилди. Унча, Соҳибанинг бўлари-бўлди.

— Хайрият, овқатингиз пишдики, — деди Соҳиба қувониб, — Ақиди оланигни борадиган жойи бор экан...

— Ҳа, энди, бориш керак бўлса, на илож, лекин, овқатни еб кетарсиз. Шовла қўла қолдим, юмшоқкина. Ясама тишингизни олиб қўйиб есангиз ҳам бўлаверадик...

Унинг қинояси Ақидани устидан бир челақ совуқ сув қуйгандек, бўлди. "Эсизгина, Соҳибадек аёлга учраган келинини қаранг, тош қўғирокнинг ўзи-я! Худо асрасин, бундайлардан..." ўйлади Ақиди.

Хўллас, шу воқеа сабабми, Соҳиба аянинг невараси хотини билан тез-тез жанжаллашадиган одат чиқарди. "Билиб қўй, мен бувим билан тураман"...

Очиқ деразадан келатган овозга қўлоқ тутган Соҳиба аянинг бирдан қўз олди қоронғилишиб, ёстиққа суяниб қолди. Келинининг эрини беҳаёларча қойиши жон-жонидан ўтиб кетди. — Мен, сизга онаси йўқ, ўлган, деганлари учун теккандим, — дерди келин шанғиллаб. — Алоҳида яшайсизлар дейишга қайи-ку?! Мен қайнона билан яшайман. Ё мени денг, ё бувингизни...

Сайёра РИХСИЕВА,
"Тошкент ҳақиқати" мухбири.

Қишки таътил

МАРОҚЛИ ЎТМОҚДА

Маълумки, шу кунларда умумий ўрта таълим мактаби ўқувчилари қишки таътилда мароқли дам олишмоқда.

Таътил кунларида ўқувчи-ёшлар учун болалар ва ўсмирлар спорт мактабларида спорт секциялари-нинг ҳамда "Баркамол авлод" болалар марказларида тўғарақларнинг тўлиқ ишлари таъминланган.

Шунингдек, республикадаги барча умумий ўрта таълим мактабларида ўқувчиларнинг талаб ва истакларини инобатга олган ҳолда хорижий тилларни ўргатиш, турли фанлардан тўғарақлар ва спорт машғулотларини қишки таътил вақтларида узуксиз ишлашини таъминлаш вазифаси топширилган. Умумий ўрта таълим мактабларидаги барча тўғарақлар бепул.

Қишки таътил кунларида 5-9-синф ўқувчилари ўртасида "Билимлар беллашуви"нинг мактаб ҳамда "Умид ниҳоллари" спорт мусобақаларининг туман (шаҳар) босқичи ўтказилди.

Халқ таълими вазирлиги Ахборот хизматидан маълум қилишларича, таълим муассасаларида тур-

ли хил кўрик-танловлар, маданий-маърифий тадбирлар ҳамда ижодий кўргазмалар ўтказилмоқда. Жумладан, "Баркамол авлод" болалар марказларида байрам кайфиятини берувчи турли маданий-маърифий тадбирларда ижодий кўргазмалар ташкил этилмоқда. Чет тили тўғарақлари аъзолари ўртасида "My interesting holiday" мавзусида сўз уйинлари ўтказилмоқда.

Шунингдек, ахборот-ресурс марказларида ўқувчилар ўртасида "Қишки таътил китобхона" номинацияси бўйича таътилда энг кўп китоб мўтолаа қилган ўқувчилар тақдирландилар. Ресурс марказларида ижодкор ўқувчилар ўртасида "Қиш зийнатини мадҳ этаман" мавзусида шеърый кечалар ва танловлар ташкил этилади.

Бир сўз билан айтганда, 12 январгача давом этадиган қишки таътил вақтида ўқувчилар бўш вақтларини мароқли ўтказадилар.

"Туркистон-пресс".

ЭЪЛОН

"NEW TRANS ALLIANCE" МЧЖ ИХТИСОСЛАШТИРИЛГАН КОРПОРАЦИЯ БОШЛИГИНИ БАҲОСИ БЎСКИМЧА БОСКИЧ ОШИБ БОРИШ ТАРТИБИДА ЎТКАЗИЛАДИГАН ОЧИҚ АУКЦИОН САВДОСИГА ТАКЛИФ ЭТАДИ!

2016 йил 10 февраль кунини соат 11:00 да бўлиб ўтадиган аукцион савдоларида қўйидаги автотранспорт воситалари қўйилмоқда: Оқўрғон тумани, СИБ томонидан: 1. 29.10.2015 йилдаги №1-199-2015-сонли ижро ҳужжатига асосан 2011 й. и.ч. "Ласетти" д.р. 10 W102 GA Бошланғич баҳоси - 37 000 000 сўм. 2. 29.10.2015 йилдаги №1-199-2015-сонли ижро ҳужжатига асосан 2010 й. и.ч. "ГБА СПГ-НЕКСИЯ ДОНС" 1,6 д.р. 10 L404 GA Бошланғич баҳоси - 31 000 000 сўм. 3. 29.10.2015 йилдаги №1-199-2015-сонли ижро ҳужжатига асосан 2009 й. и.ч. ГБА СПГ НЕКСИЯ ДОНС1,6 д.р. 10 F888 EA Бошланғич баҳоси - 29 000 000 сўм.

2016 йил 27 январь кунини соат 11:00 да бўлиб ўтадиган аукцион савдоларида қўйидаги автотранспорт воситалари тақдоран қўйилмоқда: Қишай тумани, СИБ томонидан: 1. 02.02.2015 йилдаги № 2454-сонли ижро ҳужжатига асосан 2005 й. и.ч. "DAEWOO-KALOS" д.р. 11S 2489 Бошланғич баҳоси - 21 837 062 сўм. 2. 20.06.2013 йилдаги №11223-сонли ижро ҳужжатига асосан 1989 й. и.ч. "Камаз-5320" д.р. N088NUM Бошланғич баҳоси - 11 352 856 сўм. 3. 13.01.2015йилдаги № 1324-сонли ижро ҳужжатига асосан 2008 й. и.ч. "Эпика" д.р. 01 P405BA Бошланғич баҳоси - 40 235 333 сўм. 4. 22.12.2013 йилдаги № 32021-сонли ижро ҳужжатига асосан 1988 й. и.ч. "BA3-2108" д.р. 01X195MA Бошланғич баҳоси - 6 564 281 сўм. 5. 03.07.2013 йилдаги № 12426-сонли ижро ҳужжатига асосан 1986 й. и.ч. "Москвич-412" д.р. 10 T 4104A Бошланғич баҳоси - 1 819 300 сўм. 6. 26.04.2012 йилдаги № 5782-сонли ижро ҳужжатига асосан 1993 й. и.ч. "Доган" д.р. 01K336EA Бошланғич баҳоси - 1 454 952 сўм. 7. 02.03.2015 йилдаги № 7160-сонли ижро ҳужжатига асосан 1972 й. и.ч. "ГАЗ-24" д.р. 01V920GA Бошланғич баҳоси - 1 621 879 сўм. 8. 29.10.2014 йилдаги № 18898-сонли ижро ҳужжатига асосан 1986 й. и.ч. "BA3-21083" д.р.01E073EA Бошланғич баҳоси - 2 910 853 сўм. 9. 05.12.2014 йилдаги № 30033-сонли ижро ҳужжатига асосан 2010 й. и.ч. "Нексия" д.р. 01U521HA Бошланғич баҳоси - 20 487 675 сўм. 10. 09.04.2013йилдаги № 4019-сонли ижро ҳужжатига асосан 2008 й. и.ч. "Ласетти" д.р. 01G160 OA Бошланғич баҳоси - 27 904 396 сўм.

Аукцион савдолари Тошкент шаҳри, Мировот тумани, Бухоро кўчаси, 10-уй манзилида бўлиб ўтади. Юқоридиган автотранспорт воситалари билан тегишли суд ижрозилари бўлими вакиллари иштирокида бевосита жойига чиқиб танишиш мумкин. Аукцион савдоларида иштирок этиш учун талабгорлардан аризалар ҳар кунни (дам олиш ва байрам кунларидан ташқари) соат 10:00 дан 16:00 гача қабул қилинади ва савдолар бошланишига бир иш кунини қолганда соат 16:00 да тўхтатилади. Аукцион савдосида қатнашиш истагида бўлган талабгорлар автотранспорт воситаси бошланғич баҳосининг 10 фоизи миқдорида кам бўлмаган закалат пулини тўлов ҳужжатида ижро ҳужжати рақами ва санасини қўрсатган ҳолда ҳар бир автотранспорт воситаси учун алоҳида тартибда савдо ташкилотчиси - "New Trans Alliance" МЧЖнинг "ASIA ALLIANCE BANK" OATB Мирзо Улуғбек тумани филиалидаги қўйидаги ҳисоб рақамига тўлашлари шарт: 2020800904887305001, МФО 01103, ИНН 301829604. Аукцион қўлиби сотиб олган автотранспорт воситаси қийматини 5 банк кунини мобайнида тўлалигича тўлаши шарт. Манзил: Тошкент шаҳри, Юнусовот тумани, Дарвозакент 2-берк кўчаси, 16-уй. Телефон: (+99895) 504-99-85.

ТОШКЕНТ ҲАҚИҚАТИ

ТАШКЕНТСКАЯ ПРАВДА

Муассис:

Тошкент вилояти ҳокимлиги

Бош муҳаррир

Убайдулла

АБДУШОҲИДОВ

Манзилимиз:

100000, Тошкент шаҳри, Матбуотчилар кўчаси, 32.

Электрон почта:

thaqiqat@umail.uz

Телефонлар:

Қабулхона: 233-64-95, 233-55-39, 233-58-85 (факс).

Бўлим муҳаррирлари ва муҳбирлар: 233-38-23, 233-48-08.

Шартнома ва эълонлар: 233-56-03, 233-65-59.

Ҳисоб-китоб бўлими: 233-54-10.

Тошкент вилояти Матбуот ва ахборот бошқармасида 2011 йил 12 январда 03-001 рақами билан рўйхатга олинган.

Газета «Тошкент ҳақиқати» тахрираты компьютер марказида терилди ва саҳифаланди.

Навбатчи муҳаррир

Ирода НОРОБОВА

Навбатчи

Наргис ҲАСАНОВА

Саҳифаловчи

Тоҳир МАҲМУДУҲҲАЕВ